


# BOLETIN OFICIAL



# PARLAMENTO DE GALICIA

II LEXISLATURA  
1987

---

Ano VI

N.º 206

30 de decembro de 1987

---

## I. TEXTOS EN TRAMTIACIÓN

### A. PROXECTOS DE LEI

— Regulador da participación institucional no  
eido da Administración laboral (n.º 7.566). 4264

## I. TEXTOS EN TRAMITACIÓN

## A. PROXECTOS DE LEI

REGULADOR DA PARTICIPACIÓN INSTITUCIONAL  
NO EIDO DA ADMINISTRACIÓN LABORAL

## PRESIDENCIA

Con data 24 de xullo de 1987, tivo entrada no Rexistro do Parlamento de Galicia o Proxecto de Lei regulador da participación institucional no eido da Administración laboral (n.º 7.566).

A Mesa, oída a Xunta de Portavoces en reunión celebrada o día 8 de setembro de 1987, ó amparo do disposto no artigo 111.2 do Regulamento do Parlamento de Galicia, do 14 de xullo de 1983 (B.O.P.G. n.º 150), acordou a tramitación do Proxecto de Lei pola Comisión 5.ª, Sanidade, Política Social e Emprego.

Así mesmo, de conformidade co disposto no citado artigo, acordou a súa publicación no Boletín Oficial da Cámara e a apertura dun prazo de 15 días hábiles para a presentación de Emendas, que remata o próximo día 16 de febreiro de 1988.

O que se publica para xeral coñecemento e para os efectos citados, de conformidade co disposto nos artigos 65, 111 e concordantes do Regulamento da Cámara.

Santiago de Compostela, 28 de decembro de 1987.

O PRESIDENTE  
**Tomás Pérez Vidal**

Proxecto de Lei regulador da participación  
institucional no eido da Administración laboral

## Exposición de Motivos

A Constitución española, no seu artigo 7, configura os sindicatos de traballadores e as asociacións empresariais como institucións básicas que contribúen á defensa e promoción de intereses económicos e sociais que lles son propios. A Lei orgánica 11/85, do 2 de agosto, de Liberdade Sindical, ten en conta, como un aspecto desa mesma liberdade, a representación institucional diante das Administracións públicas ou outras entidades ou organismos de carácter estatal "ou da Comunidade Autónoma que a teña prevista".

En vista disto, parece necesaria a creación de órganos

colexiados de participación institucional nos ámbitos ós que se contraen as transferencias efectuadas polo Estado á Comunidade Autónoma galega en materia de traballo, sen que obste a preexistencia do seu regulamento no contorno estatal por resolución do Ministerio de Traballo e Seguridade Social do 27 de setembro de 1985, no caso de seguridade e hixiene no traballo, e o Real Decreto 1.526/86, do 13 de xuño, polo que se refire a eleccións sindicais, posto que, se ben o Estatuto de Autonomía de Galicia no seu artigo 29.1 lle atribúe á Comunidade Autónoma as competencias laborais "a nivel de execución", inclúe, e así o resolveu o Tribunal Constitucional na sentenza do 14 de xuño de 1982, entre outras, a facultade de organizar, dirixir e tutelar tales competencias.

A existencia dos órganos de participación creados pola presente Lei contribuirá á fluidez de relacións entre os interlocutores sociais.

Artigo 1º.— Como órganos de participación institucional na Administración laboral da Comunidade Autónoma de Galicia, créanse o Consello Galego de Seguridade e Hixiene no Traballo e a Comisión Galega de Eleccións Sindicais, que terán, na orde periférica, as súas correspondentes Comisións provinciais.

Artigo 2º.— Son competencias e funcións dos órganos creados pola presente Lei:

a) Elaborar informes e propostas en materia da seguridade e hixiene no traballo e de eleccións sindicais.

b) A participación democrática no seguimento da xestión dos servizos que exerciten as competencias de seguridade e hixiene no traballo, así como de eleccións sindicais.

c) Asesoramento e avaliación de datos nas esferas devanditas, proclamando os resultados das eleccións sindicais no ámbito da Comunidade.

d) Cantas outras se lles atribúan por disposición legal.

Artigo 3.º— A composición dos órganos creados pola presente Lei terá carácter tripartito, con participación da Administración, dos sindicatos e das organizacións empresariais.

Artigo 4.º— O Consello Galego de Seguridade e Higiene no Traballo e a Comisión Galega de Eleccións Sindicais, baixo a presidencia do Director Xeral de Traballo da Xunta de Galicia, estarán integrados por:

a) Seis membros proporcionalmente atribuídos ás organizacións sindicais máis representativas, considerando como tales aquelas que superen o 10% e contén cun mínimo de 1.000 delegados, en función dos resultados do último proceso electoral.

b) Seis membros proporcionalmente distribuídos entre as organizacións empresariais de maior representatividade de Galicia, considerando como tales as que superen o 10% de representación das empresas ou aquelas nas que as súas asociacións empreguen como mínimo o 10% de traballadores dentro da Comunidade Autónoma.

c) Seis membros en representación da Administración autonómica, nomeados polo Conselleiro de Traballo, Industria e Turismo.

Artigo 5.º— As Comisións provinciais, baixo a presidencia dos respectivos delegados, estarán integradas por un representante de cada unha das organizacións sindicais consideradas como máis representativas de acordo co artigo anterior, e igual número de representantes empresariais e da Administración.

Artigo 6.º— Nos Presupostos da Xunta de Galicia consignaranse especificamente as partidas presupostarias destinadas a sufragalos gastos que orixine o seu funcionamento.

#### Disposición Derrogatoria

Quedan derogadas cantas disposicións se opoñan á presente Lei.

#### Disposición Derradeira

Dentro dos dous meses seguintes á publicación da presente Lei, o Consello da Xunta aprobará os regulamentos propios de desenvolvemento da mesma.

Santiago de Compostela, 22 de xullo de 1987.

Asdo.: **Manuel Anxo Villanueva Cendón**  
Conselleiro da Presidencia



## PUBLICACIÓNS DO PARLAMENTO DE GALICIA

|         |                                                                                                                                                                                                                                                             |
|---------|-------------------------------------------------------------------------------------------------------------------------------------------------------------------------------------------------------------------------------------------------------------|
| Vol. 0  | Regulamento do Parlamento de Galicia                                                                                                                                                                                                                        |
| Vol. 1  | Estatuto de Autonomía de Galicia<br>Lei da Sede das Institucións Autonómicas<br>Lei reguladora da Xunta e do seu Presidente                                                                                                                                 |
| Vol. 2  | Lei de normalización lingüística                                                                                                                                                                                                                            |
| Vol. 3  | Lei de limitacións á propiedade nas estradas non estatais de Galicia                                                                                                                                                                                        |
| Vol. 4  | Lei de recoñecemento da galeguidade<br>Lei de Fundacións de interés galego<br>Lei do Consello da Cultura Galega                                                                                                                                             |
| Vol. 5  | Lei de Presupostos da Comunidade Autónoma para 1982<br>Lei para o incremento dos tipos de taxas de contía fixa<br>Lei de Presupostos da Comunidade Autónoma para 1983                                                                                       |
| Vol. 6  | Lei de sanidade escolar                                                                                                                                                                                                                                     |
| Vol. 7  | Lei de xestión económica e financeira pública de Galicia                                                                                                                                                                                                    |
| Vol. 8  | Lei reguladora do Consello Asesor de RTVE en Galicia<br>Proposición de Lei da terceira canle de televisión<br>Lei da Compañía de Radio-Televisión de Galicia                                                                                                |
| Vol. 9  | Lei do Valedor do Pobo<br>Lei de símbolos de Galicia                                                                                                                                                                                                        |
| Vol. 10 | Lei do Fondo de Compensación Financeira<br>Lei de Presupostos da Comunidade Autónoma de Galicia para 1984<br>Lei de asignación de recursos fixados polo R.D. Lei 3/1984 á C.A. de Galicia<br>Lei de Presupostos da Comunidade Autónoma de Galicia para 1985 |
| Vol. 11 | Lei de eleccións ó Parlamento de Galicia<br>Lei de gastos electorais                                                                                                                                                                                        |
| Vol. 12 | Lei de ordenación da pesca<br>Lei de ordenación marisqueira<br>Lei de sancións en materia pesqueira, marisqueira e cultivos mariños                                                                                                                         |

**Distribúe**  
**GALAXIA**  
**Reconquista, 1 - Vigo**  
**Teléfonos (986) 432100 - 433238**

**De venda**  
**en librerías**